

ՄԻՔԱՅԵԼ ՆԱԼԲԱՆԴՅԱՆԻ ԱՇԽԱՐՀԱՅԱՑՔԻ ԻՆՏԵՐՆԱՑԻՈՆԱԼԻԶՄԸ

ԳԱԼՈՒՍՏ ԳԱԼՈՅԱՆ
ՀՍՍՀ ԳԱ ԲՊՐԱԿԻԳ առկամ

Միքայել Նալբանդյանի գրական հարուստ ժառանգությունը լայնորեն ուսումնասիրված է հայագետների կողմից: Սակայն, ցավոք, պետք է նշել, որ նրա աշխարհայացքի ինտերնացիոնալիզմը հատուկ ուշադրության առարկա չի դարձել: Մեր նպատակն է փորձել համառոտ գծերով ընթերցողի ուշադրությունը հրավիրել Նալբանդյանի աշխարհայացքի այս կարևոր կողմի վրա:

Արևելյան Հայաստանի, ինչպես և ռուսական կայսրության այլ ծայրերի կրթության ժողովուրդների XIX դ. երկրորդ կեսի ազատագրական շարժումները և նրանց գաղափարախոսությունը համառուսական ազատագրական շարժման անքակտելի մասն են: Չնայած ինքնակալության կողմից ճնշված ազգերի ազատագրական պայքարի գաղափարախոսության ձևերի, իսկ որոշ մասնավոր հարցերում նույնիսկ բովանդակության յուրօրինակությանը, բուրժուազեմոկրատական հեղափոխության խնդիրների լուծման՝ ցարիզմի սուպրաման, ճորտատիրական իրավունքի և ազգային ճնշման ոչնչացման հարցերում ճնշված ժողովուրդների սոցիալական ո. ազգային արմատական շահերը լիովին համընկնում էին ռուս ժողովրդի շահերին, որ և հանդիսանում էր ռուսական կայսրության մեջ բնակվող բոլոր ժողովուրդների ազգային-ազատագրական պայքարի քաղաքական միավորման սոցիալական հիմքը:

Հայ ժողովուրդը բացառություն չէր կազմում: Նրա ձևավորվող ազգային-ազատագրական շարժումը ևս հենարան էր փնտրում ցարիզմի ու կալվածատերերի դեմ ուղղված համառուսական ազատագրական շարժման մեջ: Մեր ազգային դեմոկրատական շարժման առաջնորդ Միքայել Նալբանդյանը այդ ձգտման առաջին դրսևորողն էր: Լինելով խաչատուր Աբովյանի դեմոկրատական ժառանգության կտակակատարը, Նալբանդյանը իր մեջ մարմնավորել էր հայ ժողովրդի թե՛ դարավոր ազատագրական պայքարի պաշտամունքը և թե՛ գալիք սերունդների հեղափոխական ոգին: Սոցիալական խորաթափանց մտքով գրված նրա աշխատությունները տոգորված էին հասարակության հեղափոխական վերափոխման գաղափարներով: Հայ իրականության մեջ Նալբանդյանն առաջինը խիզախեց բարձրացնել հեղափոխության դրոշմը, ազգեցության խոր հետքեր թողնելով ոչ միայն իր դարաշրջանի, այլև գալիք սերունդների մտքի զարգացման վրա:

Վ. Ի. Լենինը հեղափոխական դեմոկրատներին դասում էր Ռուսաստանի առաջադեմ մտքի այն ներկայացուցիչների թվին, որոնք չտեսնված վայրերի ու ոռակցիոն ցարիզմի ճնշման տակ ազահության մարտնչում էին ճիշտ թեմերի, «զարսանալի ջանասիրությամբ և խնամքով հետևելով ծվրոպայի ու Ամերիկայի ամեն տեսակ և յուրաքանչյուր «վերջին խոսքին» այդ բնագավառում»¹:

¹ Վ. Ի. Լենին, Երկեր, հ. 31, էջ 11:

Այդ խորհող ու քննող «որոնողների» մեջ Նալբանդյանը հավասարներին հավասար էր:

Արևելյան Հայաստանի և ամբողջ Անդրկովկասի՝ Ռուսաստանի կազմի մեջ մտնելը նույնիսկ հանդիսացավ երկրամասի ու ռուսական կայսրության մյուս ժողովուրդների փոխհարաբերությունների պատմության մեջ: Ռուսաստանին միանալը դարձավ նրանց մերձեցման և դարավոր բարեկամության ամրապնդման նախադրյալ: Այդ հարաբերությունների ստեղծման գործում մեծ դեր էին խաղում ոչ միայն տարածքների ընդհանրությունը և այն սոցիալատնտեսական ընդհանուր պայմանները, որոնցում նրանք ապրում էին, այլև Ռուսաստանի հասարակական առաջադիմական միտքը, որի բարերար ազդեցության ներքո տասնամյակներ շարունակ զարգանում էր նաև հայ ժողովրդի առաջադիմական հասարակական միտքը:

Նալբանդյանը քաղաքական պայքարի ասպարեզ իջավ այն ժամանակ, երբ «հասարակական բոլոր հարցերը, — ինչպես մատնանշել է Վ. Ի. Լենինը, — հանգում էին ճորտատիրական իրավունքի և նրա մնացորդների դեմ մղվող պայքարին»²: Հեղափոխական դեմոկրատների գաղափարախոսության հիմքում ընկած էր այս հարցերին պատասխան տալու խնդիրը: Ազգային հեղափոխական դեմոկրատների գաղափարախոսության մեջ, բնական է, որ ազգային հարցը (լայն առումով) հասարակական կարգի բոլոր հարցերի մեջ առաջնակարգ տեղ էր գրավում և այն կարևոր օղակներից մեկն էր, որը նրանց կապում էր ռուս հեղափոխական դեմոկրատների հետ: Կապում էր, որովհետև ռուս հեղափոխական դեմոկրատների աշխարհայացքի հիմքում ընկած էր ինտերնացիոնալիզմը, ճնշված ազգերի ազատագրության գաղափարախոսությունը:

Ռուս հեղափոխական դեմոկրատները չէին շփոթում ռոմանովների Ռուսաստանը ռուս ժողովրդի հետ և դիմելով ցարական ինքնակալության կողմից ճնշված ժողովուրդների բանականությանը, նրանց հույս էին ներշնչում, որ կգա օրը, երբ ժողովուրդների բռնի միասնությունը իր տեղը կզիջի ազատ միասնությանը՝ հիմնված հավասարության և բոլոր ազգերի ինքնակալության ճանաչման վրա: Ա. Գերցենը նրանց կոչ էր անում հեղափոխական Ռուսաստանը, ռուս ժողովրդին չշփոթել «Աննայի կրծքանշանով ագիտատորների Ռուսաստանի հետ»: «Բարեբախտաբար, — գրել է նա 1860 թ., — Ձմեռային պալատն ամբողջ Ռուսաստանը չէ, և նույնիսկ ամբողջ Պետերբուրգը չէ... ուրիշ Ռուսաստան է բարձրանում՝ պալատից դուրս, աստիճանացուցակից դուրս Ռուսաստանը: Ուրիշ Ռուսաստանը ողջունում է ձեզ որպես իր եղբայրների, ձեզ իր ձեռքն է մեկնում. դե՛, նրան մի շփոթեք այդ բոլոր թաղային պրոպագանդիստների, Աննայի կրծքանշանով ագիտատորների, իսկական պետական ուխտավորների ձեռքերի հետ, որոնք Նրուսադեմ կամ Աթոսի լնձ մեկնելիս ճանապարհին ձեզ մոտ են անցնում»³:

Նալբանդյանը խորապես ըմբռնում էր երկու Ռուսաստանների գոյության փաստը և պայքարում էր իր ժողովրդի բախտը Ձմեռային պալատից դուրս գտնվող Ռուսաստանի հետ, ռուս ժողովրդի հետ կապելու համար:

² Վ. Ի. Լենին, ԵԼԺ, հ. 2, էջ 650:

³ А. И. Герцен, Полн. собр. соч. и писем, т. VII, Пр., 1917, էջ 257; т. X, Пр., 1919, էջ 437:

Քննադատելով ցարական կառավարության դաժանությունները բուն ռուս ժողովրդի նկատմամբ, Նալբանդյանը հստակորեն ընդգծում էր ռուս ժողովրդի և ինքնակալության կողմից ճնշվող մյուս ժողովուրդների պատմական ճակատագրերի ընդհանրությունը՝ «Ռուսական ազգը,— գրում էր նա,— ...կուսակից է ստրուկներին», ավելացնելով՝ «և հառաջընթաց ազնիվ կուսակցության»⁴։

XIX դ. 50-ական թվականների վերջերին Նալբանդյանի աշխարհայացքում ալլևա չկար այն խարխափանքը, որը հատուկ էր իր նախորդներին, որոնք իրենց լիբերալ, իսկ երբեմն էլ գաղափարապես շտարոորշված հայացքների համար հենակետեր որոնելով սոցիալական տարբեր գաղափարների մեջ՝ փոշիացան այդ որոնումներում։ Նալբանդյանը շտատանվեց դեմոկրատիզմի և լիբերալիզմի միջև, չփնտրեց հաշտության եզրեր նրանց միջև։ «Չէ կարելի միևնույն ժամանակ երկու ճանապարհ գնալ, միմյանց հակառակ ուղղությամբ»,— գրում էր Նալբանդյանը։ Եվ նա, իր խոսքերով առած, վճռաբար ոտք դրեց «նոր սահմանագլխի վերա, ուր մանուկ առուգությամբ ծածանում է հառաջընթացների դրոշակը»⁵։ Նա աներկյուղ կանգնեց հեղափոխական դեմոկրատիզմի դիրքերում։ Փուլթ չէ, որ այդ դեմոկրատիզմն իր ժամանակի թելադրանքով շատ խնդիրներում սահմանափակված էր ուսույլիական սոցիալիզմով։

Հարկավ մենք չենք կարող դատել Նալբանդյանի, և առհասարակ հեղափոխական դեմոկրատների, պատմական ծառայությունների մասին նրանով, «թե ինչ չեն ավել» նրանք «ժամանակակից պահանջների համեմատությամբ», այլ, ինչպես սովորեցնում է Վ. Ի. Լենինը, պետք է դատենք «ներանով, թե նրանք ինչ նոր բան են ավել իրենց նախորդների համեմատությամբ»⁶։

Նկատելու ունենալով պատմական գործիչների գնահատման լենինյան այս միակ ճիշտ ցուցումը, մեր պատմագիտությունը Նալբանդյանին գնահատում է որպես շերտիշկյան տիպի հետևողական և մարտական դեմոկրատ, շնայած նրա հեղափոխական դեմոկրատիզմի հայտնի սահմանափակվածությանը։

Ճորտատիրական կարգերի անկումը առաջ բերեց շրջադարձ Ռուսաստանի սոցիալ-տնտեսական և քաղաքական կյանքում։ Ռեֆորմի կալվածատիրական բնույթը է՛լ ավելի բևեռացրեց դասակարգերի հակամարտությունը։ Ճորտատիրական իրավունքի նոր կառուցվածքում,— գրում է այդ առթիվ վրաց վաթսուներկան Ն. Նիկոլաձեն՝ Գերցենի «Կոնկոլի» էջերում,— չդիտես թե ինչին զարմանաս՝ կառավարության հանդգնությանը արդյոք, որ այդ աստիճան արհամարհում է ժողովրդի առողջ բանականությունը, թե և՛ մեկին, և՛ մյուսին՝ միանգամից... Առանց հողի, առանց մի պատառ հացի, առանց որևէ աշխատանք գտնելու հնարավորության գյուղացին պետք է նախապես համաձայնվի բոլոր հնարավոր և անհնարին պայմանների հետ, որ առաջարկում են կալվածատերերը... Եվ այդպիսի վիճակը մեղանում կոչվում է կամավոր համաձայնություն... Այստեղ արդեն հարկ է խմել ազատության ողջության կենացը։ Հարց է առաջանում, թե հապա որտե՞ղ է ճորտային վիճակի ոչնչացումը»⁷։

⁴ Մ. Նալբանդյան, ս.ժ, հ. III, Երևան, 1940, էջ 60։

⁵ Նույն տեղում, հ. II, Երևան, 1948, էջ 303։

⁶ Վ. Ի. Լենին, ԵԼԺ, հ. 2, էջ 220։

⁷ «Колокол», 7. VII. 1865.

իսկ Նալբանդյանը հետևելով Չերնիշևսկուն ավելացնում էր, որ եթե ճորտ գյուղացին այլու հողով հանդերձ կատարելապես աղատ չքարոզվի՞, ապա նա ղկացիներով կվճռե գործը՞:

Դասակարգային սրվող պայքարը, այսպիսով, դարձել էր հասարակական կյանքի հիմնական բովանդակությունը: Այդ գերազդեցիկ ուժը նեցուկ հանդիսացավ դեմոկրատական պայքարի և հեղափոխական մտքի զարգացման համար: Վ. Ի. Լենինը հենց այս փոփոխությունների հետ էր կապում Ռուսաստանում ազատագրական շարժման երկրորդ էտապը:

Բուրժուական ռեֆորմները, հեռու մնալով սոցիալական արմատական խնդիրների լուծումից, փոփոխություններ չմտցրեցին ժողովուրդների նաև իրավական կյանքում: Ցարիզմի ազգահալած քաղաքականությունը և մեծասպետական շովինիզմը առավել մերկապարանոց դարձան: Տարիներ անց Վ. Ի. Լենինը փաստարկում էր, որ Ռուսաստանում բնակչության կեսից ավելին, գրեթե երեք երեք երրորդականը (ճշգրիտ՝ 57%-ը) ենթարկվում է տգիտության ճնշման, նրանք զուրկ են մինչև անգամ մայրենի լեզվի ազատությունից, նրանց բռնի կերպով ռուսացնում են՞: Սոցիալական և ազգային ճնշում—ահա այն կնճիռը, որի լուծումը հնարավոր էր միայն համաժողովրդական սոցիալական պայքարի և ազգային-ազատագրական շարժումների միաձուլման միջոցով:

Այսպիսով, XIX դ. 50—60-ական թվականներին ազգային հարցը Ռուսաստանի հասարակական կյանքի ասպարեզում երկրորդական հարց չէր և չէր կարող չգերադեցնել հեղափոխական դեմոկրատների միտքը: Ազգային հարցի խնդիրը նրանք լծորդում էին քաղաքական և սոցիալական հեղափոխության հեռանկարների հետ, իսկ դեմոկրատիայի լազերին պատկանելու կարևորագույն պայմաններից մեկը համարում ազգային ճնշման դեմ մղվելիք անհաշտ պայքարի անհրաժեշտության ընդունումը:

Ցարիզմի ազգային քաղաքականության բարեփոխման անհրաժեշտությունը զգում էին նաև ռուս լիբերալները, բայց չպիտի կարծել, թե սրանք դեմ էին ցարիզմի ռուսիֆիկատորական քաղաքականությանը: Նրանք հանդես էին գալիս ցարի վրիպումների դեմ և աղերսում էին «ինքնակալական» ռեֆորմներ, որոնք, լիբերալ Ն. Մելդունովի կարծիքով, կնպաստեին ոչ թե «արտաքին, այլ ներքին ռուսիֆիկացմանը»¹⁰ և կհամապատասխանեին բուրժուական ռեֆորմների ոգուն: Ռուս լիբերալների այս քսությունը ընդհանուր ոչինչ չուներ ռուս ժողովրդի իսկական ազգային գաղափարների հետ:

Թեևսկական ազգային գաղափարները, — նշել է Ֆ. Էնգելսը, — այսինքն՝ այն գաղափարները, որոնք համապատասխանում են տնտեսական գործոններին... այն գործոններին, որոնք տիրապետում են համապատասխան երկրում, միևնույն ժամանակ միշտ հանդիսանում են նաև իսկական ինտերնացիոնալ գաղափարներ¹¹: Հեղափոխական դեմոկրատների ազգային գաղափարները հենց այդպիսի իսկական ինտերնացիոնալ գաղափարներ էին:

⁸ Մ. Նալբանդյան, Ելժ, հ. III, էջ 61:

⁹ Վ. Ի. Լենին, Ծրվեր, հ. 23, էջ 329:

¹⁰ Տե՛ս III. М. Левин, Очерки по истории русской общественной мысли, Л., 1974, էջ 359, 361:

¹¹ К. Маркс и Ф. Энгельс, Соч., т. 33, էջ 374:

Ն. Չերնիշևսկին և նրա հետևորդները խոր ըմբռնողությամբ էին վերաբերվում դեպի ոչ ուս ժողովուրդների ազգային-ազատագրական պայքարը, հանդես էին գալիս նրանց ոտնահալված իրավունքների պաշտպանությամբ: Քննադատելով անգլիական գաղութարարներին, բայց նկատի ունենալով նաև ուսական ցարիզմը, Չերնիշևսկին գրել է. «Ուրիշ ժողովրդի, որ վրդովված է օտար տիրապետության դեմ, կախվածության մեջ պահել, ժողովրդին անկախություն չտալ միայն նրա համար, որ դա սպառնալիք է թվում ռազմական հզորություն և ուրիշ երկրների վրա քաղաքական ազդեցություն ունենալու համար—դա նողկալի է»¹²: Նույնպիսի գայրույթով Նալբանդյանը գանակոծում է փոքր ազգերի ճնշման ցարական քաղաքականությունը: Ծաղրելով ազգերի այսպես կոչված «հավասարակշռության» և «իրավունքի» բուրժուական փարիսեցիական պրոպագանդան, նա իր «Երկրագործությունը որպես ուղիղ ճանապարհ» աշխատության մեջ, որը դարձավ արթնացող հայ ռազմիկների տասարդության սիրելի դիրքը, գրում է. «Եթե հավասարակշիռ և իրավունք կա տերությանց մեջ, ուրեմն նույն կշիռը և նույն իրավունքը պիտի լինի տերությանց և նոցա ստրկացած ազգերի մեջ: Դու կամենում ես քո հավասարակշիռը պահել, և այն, իրավունքի անունով, բայց ինձ, որ բնավին օտար եմ քեզ և ամենեկին վերաբերություն չունիմ քո հետ, ի՞նչ պատճառով, հակառակ իմ կամքին, առնում ես ու բռնությամբ դնում ես քո կշռի թափ մեջ: Ուրիշ տերությանց հետ խոսում ես իրավունքի անունով, իսկ իմ վերաբերությամբ ինչի՞ համար ոտքի տակ ես կոխում նորան և անիրավում ես շարաշար»¹³:

Դժվար չէ նկատել Չերնիշևսկու և Նալբանդյանի մտքերի հարազատությունը, որը բխում էր նրանց ընդհանուր աշխարհայացքի ինտերնացիոնալիզմից: Ինչու հեղափոխական դեմոկրատները կայսրության փոքր ազգերի ճնշման վերացումը համարում էին բուն ուս ժողովրդի սոցիալական ազատագրության անհրաժեշտության պայման: Իր հիմքում դա դասակարգային պայքար էր, որը խթանում էր ժողովուրդների քաղաքական ինքնագիտակցության խորացումը: Այդ նույն նպատակին էր ծառայում Նալբանդյանի պայքարը ազգային սնապարծության և ազգային էգոիզմի դեմ: Դա չէր խանգարում, ընդհակառակը, պայմանավորում էր նրա իսկական հայրենասիրությունն ու ազգային հպարտությունը: Նալբանդյանը խոսքով ու գործով առաջնությունը, որ ինքը ազգի «էական օգուտին դոհել» է և պիտի դոհե ամեն բան, առիթը բաց չէր լնդնում մերկացնելու ազգի թշվառությունները սրբադորձող «սուտ ազգասերներին», որոնք «յուրյանց սերը դեպի ազգը հայտնում են նորա պակասությունը քողարկելով»¹⁴: «Սուտ, խարդախ, երեխայական գովասանությունը մահադեղ էր ազգին»¹⁵,— այնուհետև գրում է նա: Իսկ ահա թե իր «Հիշատակարանում» Նալբանդյանն ինչպես է արտաբերում «սուտ ազգասերի» ուսական, երբ ճշմարտության ձայնը հասնելով նրա ականջին, վշտացնում է նորան». «այս ի՞նչ բան է, մեզ մինչև այժմ գովել են, պատվել են, այժմ մի քանի պարոններ (Նալբանդյանն այստեղ առաջին հերթին

¹² Н. Г. Чернышевский, ПСС, т. VI, М., 1949, էջ 105.

¹³ Ս. Նալբանդյան, ԵԺԺ, հ. III, էջ 90.

¹⁴ Նույն տեղում, հ. II, էջ 304.

¹⁵ Նույն տեղում, հ. I, էջ 365.

ի նկատի ունեն իրեն—Գ. Գ.) բոլորովին այլ ուղղությամբ վարվում են մեր հետ. ի՞նչու բացում են մեր սլակասությունները, ի՞նչու հրապարակում են մեր վերքերը... մեք առողջ ենք, հիվանդ չենք, մեղ դեղ չէ հարկավոր: «Այս պատճառով,— եզրակացնում է Նալբանդյանը,— ճշմարտությունը հնչում է հայոց ազգի ականջին որպես ձայն բարձրադաս հանասլաստի»¹⁶: «Հայերը չկամին այս բանի վերա մտածել. նորանց զովում են խաբեբա մարդիկ և նոքա ինքնամոռացության մեջ քնում են խորրը»¹⁷:

Նա ցավն ի խոր սրտի ծաղրում էր աղգային պորտաբույծին, որը «տալ չդիտե, պահանջել սորված է. չի ցանկեր, հնձելը արդարությունը կպահանջե» և ավելացնում. «ո՞վ որ ազգի համար չէ ծներ, ազգի և եկեղեցու անդամ չէ»¹⁸:

Ազգի ցեղերի դեմ իր հանդուգն ելույթներով Նալբանդյանը նվաճում էր նորանոր հակառակորդներ, բայց իրեն մխիթարում էր Եզնիկ Կողբացու ասույթով, թե «եթէ զանարժանն ըստ պիտույիցն ոչ յանդիմանես, մի՛ լինիր վարդապետ»¹⁹:

Բերված մտքերը անցողիկ չեն եղել Նալբանդյանի համար: 1860 թ. դեկտեմբերի 19-ին «Մեղուի» խմբագրին հասցեագրած նամակում նա գրում է. «Ամենայն աղգային անդամ ինչ չափով սլարտական էր սիրել յուր ազգը, նույն չափով պարտական է նշավակել և սպանել նորա պակասությունները, որպեսզի ազգությունը ավելի մաքուր շրջանակի մեջ հանդիսանա ընդհանուր մարդկության առջև... Ոչ երբեք պիտի հառաջանա աղղը, հետևելով հին խելքերի դրություն»²⁰:

Նալբանդյանը զայրույթով նշավակում էր նրանց, որոնք իրենց ազգի շալակն ելած ազգի հայրապետներ էին հորջորջվում, որոնք ազգը իրենց «ժառանգությունն» էին համարում: «Ազգը,— դրում էր նա,— ժառանգություն տրված չէ Պողոսին կամ Նիկողոսին, որ ինչպես կամենան այնպես խաղան աղղի հետ»²¹:

Վ. Բելինսկու նման Նալբանդյանն էլ ազգը համարում էր հավաքական անձնավորություն: Իր «Նկատողությունք» հոդվածում, որը տպագրվեց 1858 թ. «Հյուսիսսփայլում», նա դրում է. «Ազգը պիտո է ունենա ազգություն, այդ ազգի անձնավորությունն է. ինչպես մարդ չէ կարող լինել առանց անձնավորության, նույնպես ազգը չէ կարող լինել առանց ազգության» (Փակագծում կարդում եմ Բելինսկու գնահատականը. «Ինչ որ մարդն է առանց անձնավորության, նույնն է ժողովուրդն առանց ազգության»)²²: Եվ եթե,— շարունակում է Նալբանդյանը,— պատահում է տեսանել մի մարդ առանց անձնավորության կամ ազգ առանց ազգության, այդ մի ողորմելի և թշվառ Ֆրեույթ է անօգուտ յուրյան և ուրիշներին... Մի ազգ, որ կորուսանում է իր ազգությունը, դուրս է ընկնում այն կազմվածքից որպես մի փտած անդամ»²³:

¹⁶ Նույն տեղում:

¹⁷ Նույն տեղում, հ. II, էջ 260:

¹⁸ Նույն տեղում, հ. I, էջ 393:

¹⁹ Նույն տեղում, էջ 473:

²⁰ Նույն տեղում, հ. II, էջ 302, 303:

²¹ Նույն տեղում, էջ 305:

²² В. Г. Белинский, Собр. соч., М., 1948, т. III, էջ 663:

²³ Մ. Նալբանդյան, ԵԺԺ, հ. II, էջ 258, 259:

Այս հարցերին նա անդրադառնում է նաև «Աշխարհաբարի քերականության» ներածությունում և այլ հոդվածներում: «Ազդե ասելով,— դրում է նախնադրյանը,— չենք իմանում այն մի քանի մարդիկը, որը արծաթի սանդուղով վեր էին բարձրացել ազգի մակերևույթից, այլ այն խեղճ և կարեկցության արժանի ժողովուրդը, որի վերա ծանրացել է ազգային ապարսխտության հետևանքը»²⁴: «Օ՛հ, ո՛րքան հարուստ է այս աղքատությունը» — բացականչում էր նախնադրյանը²⁵:

Իր «Հիշատակարանում» նախնադրյանը տրամաբյալ փաստարկում էր, որ «մեր ազգության մեքենան», այսինքն հասարակ ժողովուրդը, «ջարդված է»²⁶: Եվ որ ազգության մեքենայի—հասարակ ժողովրդի վերականգնությունը հնարավոր էր միայն գիտակցություն տնկելով նորա մեջ: Իսկ գիտակցությունը բխում է լուսավորությունից: Մարդու ազատությունը նա պայմանավորում էր նաև լուսավորությամբ. «Ստրկության մեջ, աղքատության մեջ,— գրում էր նա,— չկա և չէ կարող լինել լուսավորություն»²⁷: Այստեղ Մ. Նախնադրյանը կարծես թե կրկնում էր ռուսական հեղափոխական-ազատագրական շարժման նախահայր Ա. Ռադիշչևին, որը գրում էր, թե «ազատության ոգին միայն ստրուկների մեջ է սմկում»:

Լուսավորությունը, ի տարբերություն իրեն նախորդող լուսավորիչների, նախնադրյանը կապում էր հասարակության հեղափոխական վերափոխման հետ, որը, ինչպես առիթ ունեցանք դիտելու, նա անհնար էր համարում առանց ինքնակալության տապալման և ճորտատիրական մնացուկների վերացման:

Սեփական աղգը «մաքուր շրջանակի մեջ», «բնականուր մարդկության առջև» հանդես բերելու նախնադրյանի ձգտումը պայմանավորված է եղել նրա աշխարհայացքի ինտերնացիոնալիզմով, ուրիշ ազգերի և համայն մարդկության նկատմամբ նրա հավասար հարգանքով: Այդ ինտերնացիոնալիզմը ավելի լայն ու խոր ընդգրկում ունի, քան ժողովուրդների միջև բարեկամություն հաստատելու սոսկ քարոզն է:

Նախնադրյանի աշխարհայացքի ինտերնացիոնալիզմը դասակարգային իմք ունի, որը պայմանավորված է եղել ռուսական կայսրության մեջ ապրող ճնշված բոլոր ժողովուրդների սոցիալական համատեղ պայքարի անհրաժեշտության գիտակցությամբ: Հայ իրականության մեջ առաջինը նա հասկացավ, որ ազգային հարցի լուծումը կախված է սոցիալական վերափոխություններից:

Ազգային հարցի ճիշտ ըմբռնումը նախնադրյանին հնարավորություն տվեց գիտակցելու ցարիզմի կողմից ճնշված հայ ժողովրդի ազգային-ազատագրական պայքարը ճորտատիրական իրավունքի և ինքնակալության դեմ ռուս ժողովրդի կողմից մղվող ազատագրական պայքարի հետ միավորելու պատմական անհրաժեշտությունը: Այդ էր պատճառը, որ ցարիզմի դեմ իր ամբողջ հասակով ծառացած նախնադրյանը հայ երիտասարդության համակրանքը ուղղում էր դեպի ռուսական հեղափոխությունը, որի հաղթանակով էր նա պայմանավորում նաև իր սեփական ժողովրդի վերաբնացման երաշխիքը: «Ռու-

24 Նույն տեղում, հ. I, էջ 452:

25 Նույն տեղում, հ. II, էջ 258:

26 Նույն տեղում, հ. I, էջ 453:

27 Նույն տեղում, հ. III, էջ 72:

սիրո մեջ խմորված ազատությունը, — դրում էր Նալբանդյանը 1862 թ., — համարձակ կարելի է մարդկության ազատություն Իսնվանել, վասնզի ազատությունը հողի վրա կհիմնվի, քանզի տղ միայն ինքը ռուսը կուղե իր ազատությունը... Ռուսիո ազատությունը, ընդհանուր մարդկության պատմության վերաբերությամբ, մեծ խորհուրդ ունի»²⁸։ Հենց դրանով Նալբանդյանը հայ ժողովրդի ազգային-ազատագրական պայքարը կամրջում էր ռուս ժողովրդի աղաւազրական պայքարի հետ։

Նալբանդյանը արևմտահայերի բախտը ևս կապում էր Ռուսաստանի հետ։ Ընդգծելով, որ «հայերը ամբողջ Բյուրքիայում տրամադրված են Ռուսաստանի օգտին», նա գրում էր. «Հայ ազգը թուրք փաշաների կամայականությունից ազատելու համար» անհրաժեշտ է Թուրքիայում տարածել «Ռուսաստանի բարոյական ազդեցությունը»²⁹։

Նալբանդյանն այն միտքն է արծարծել, թե որևէ ազգ չի կարող իրեն ազատ համարել, եթե ինքը սոցիալական ազատ չի և ճնշում է մի այլ ազգի։ Ծաղրելով «ազատության, հավասարության և եղբայրության» բուրժուական ըմբռնումը, նա ընդգծում էր, որ մարդը (ինչպես և ամբողջ ազգը) չի կարող ազատ լինել, «եթե ինքը այնուհետև պիտի բռնանա յուր ընկերի վրա»։ Այս միտքը Նալբանդյանն արտահայտել է 1862 թ. Այդ նույն միտքն ընդգծել է նաև Ֆ. Էնգելսը. «ազատ չի կարող լինել մի ժողովուրդ, որը ճնշում է ուրիշ ժողովուրդներին»³⁰։

Կալվածատիրական հողատիրությունը Նալբանդյանը համարում էր դուրսընթաց, ավազակություն, հափշտակություն։ Իմ աքանի որ տնտեսական խնդիրը—այն բազմակնճիռ Գորդիասի կապը լուծված չէ, հասարակությունը յուր ընկերական և ընտանեկան հարաբերության մեջ ազատ չէ»³¹։ Նալբանդյանի այս մտքի ուշադիր ունկնդիրը չի կարող չնկատել, որ սա արդեն հասարակական հարաբերությունների՝ անվերապահորեն մատերիալիստական ըմբռնումն է։ Այս դիրքերից է նա բացատրում նաև բուրժուական ազգայնականության առաջացման սոցիալական արմատները։ Նա գրում է. «Մասնավորության (արտադրության միջոցների նկատմամբ մասնավոր սեփականություն—Գ. Գ.) կորստական հոգին վաղուց ահա թագավորել է մեր ազգի անդամների վրա»³²։ Այդ «կորստական հոգին», որն է ազգայնական էգոիզմը, ազգերի միջից արմատախիլ անելու միակ միջոցը Նալբանդյանը համարում էր սոցիալական հավասարությունը՝ յուրաքանչյուր ազգի ներսում և ազգերի իրավահավասարությունը՝ նրանց փոխհարաբերություններում։ «Ոչ մի ազդություն իրավունք չունի կուլ տալու և ոչնչացնելու մի ուրիշ ազգության, — գրում է նա, — բայց այս բանը ստեպ կրկնվում է մարդկության պատմության մեջ։ Այստեղ է ահա մասնավորության շարաշար գործադրությունը, այս բանի մեջ է հսականության անսուրբ տարրը։ Արդարությունը պահանջում է խոստովանել ամենայն ազգություն, այո՛, ամենայն ազգություն.

28 Նույն տեղում, էջ 61։

29 Նույն տեղում, հ. II, էջ 357, 358։

30 Է. Մարքս, Ֆ. Էնգելս, Վ. Ի. Լենին, Պրոլետարական ինտերնացիոնալիզմի շեփոխ. Երևան, 1960, էջ 208։

31 Մ. Նալբանդյան, Ելժ, հ. III, էջ 56։

32 Նույն տեղում, հ. II, էջ 259։

որովհետև նոցա միավորութիւնից բաղկանում է ընդհանուր մարդկության կազմվածքը: Նալբանդյանի սրտին խորթ էր սեփական ազդի շահերը ուրիշ ազգերի շահերից վեր դասելը: «Թո՛ղ ամենայն ազգ պահպանե յուր ազգության կերպարանքը,— գրում էր նա,— թո՛ղ ազատ և պայծառ ծաղկի ամենայն ազգութիւն մարդկեղեն աշխարհի մեջ. դոքա միայն զորութիւն և հոգի են տալիս ազգերի ընդհանուր աշխատութեանը»³³:

Ազգերի իրավահավասարութեանը հասնելու միակ միջոցը նալբանդյանը համարում էր բռնակալական պետութիւնների ոչնչացումը և բոլոր ժողովուրդների սոցիալական ազատագրումը: «Այո,— գրում էր նա,— եթե հավասար իրավունքը այսօր խոստովանվի բոլոր երկրագունդի վրա, եթե ներկա եղած պետական համակարգութիւնը այսօր ոչնչանան, վաղը ոչ միայն չէ մնում ազգութեան խնդիրը, այլ հարկավոր ևս չէ»³⁴:

XIX դ. կեսերին, ազգային բուրժուական շարժումների դարաշրջանում, հայ իրականութեան մեջ դասակարգային պայքարի առկայութեան փաստը՝ որպէս երկու պատմական տեղեկանքների, որպէս երկու պատմական ուժերի պայքարի, առաջինը նկատել է նալբանդյանը. «Այս բոլորիս,— գրել է նա 1858 թ.,— և մեր ազգի մեջ երևում է մի մտավորական պատերազմ, նույնպէս միմյանց զարկվում են մտքեր...»

Մեր ազգի մեջ այժմ կան հայացքներ, կան ուղղութիւնք, կան ուրեմն և դրոշակներ, կա պատերազմ... Օրհնյա՛լ է պատերազմը, թո՛ղ լինի նա հլուր, անխնա...»³⁵:

Այդ պատերազմում նալբանդյանը կանգնեց աշխատավոր ժողովուրդի՝ գյուղացիական լայն զանգվածների շահերի պաշտպանութեան դիրքերում և իր գրիչը շնվիրեց հարստահարողներին, որոնց նա համարում էր «հավիտենական ամոթի ժառանգ»³⁶ և որոնք «յուրյանց արծաթի թումբերի տակ միշտ անխոցելի են, նաև բռնակալների իշխանութեան մեջ»³⁷:

Նալբանդյանին վիճակված էր երկնակատ պայքար մղել համապետական ռեակցիայի և ցարիզմի կառքին լծված ազգային ռեակցիայի դեմ: Այդ պայքարում նրան հույս էին ներշնչում Եվրոպայում ծավալված հեղափոխական շարժումները և Ռուսաստանում առաջացած հեղափոխական իրադրութիւնը: «Զէ,— հաճութեամբ նկատում էր նա,— և եղանակները փոխվում են և ինքը երկրագունդը ենթարկվում է հեղափոխութիւնների, որի հետ անտարակույս կապակից էին նորա շրջապատի հեղափոխութիւնքը: Զարմանալի ժամանակ է մեր ժամանակը, ասես թե այս փոփոխութիւնքը սկսած են արդեն, ասես թե մեզ էր պահված վկա գտնվիլ դորա սկզբին...»³⁸: Իսկ երբ հեղափոխական իրադրութիւնը շահագեցրեց հեղափոխութեան հաղթանակի, նալբանդյանը շնորհակց սկսված ռեակցիայի առաջ: Ազատութեան մեծ երգիչը՝ խորապէս գիտակցում էր, որ՝

³³ Նույն տեղում:

³⁴ Նույն տեղում, հ. III, էջ 81:

³⁵ Նույն տեղում, հ. II, էջ 262, 263:

³⁶ Նույն տեղում, հ. I, էջ 385:

³⁷ Նույն տեղում, հ. III, էջ 23:

³⁸ Նույն տեղում, հ. I, էջ 396:

Ազատություն սիրողին
Այս աշխարհը խիստ նեղ է,

որ ազատությունը որպես շնորհ չեն ստանում, այլ նվաճում են ժողովրդի արյունով: «Եվ այս նպատակին հասնելու համար,— զրու՞մ էր Նալբանդյանը,— չէ պիտո ընկրկինք ոչ բանտը և ոչ աքսորի առջե, ոչ սրայն բանիվ և զոչով, ալլ և ղենքով և արյունով, եթե մի օր արժանի լինինք ղենք առնու մեր ձեռքը և մինչև այժմ քարոզած ազատությունը նվիրել ու սրբել մեր արյունով:

Ահավասիկ սեր դավանությունը, որի մեջ տեսնում ենք ազգի փրկությանը»³⁹:

Նալբանդյանի և նրա անդրկովկասյան կուսակիցների այս ռադիկալիզմը չէր առնչվում, որ հավատ էր ներշնչել ողու հեղափոխական դեմոկրատներին, թե ցարիզմի դեմ ռարձրացող համաժողովրդական պայքարում, Ն. Օդարյովի խոսքերով ասած, «Կովկասը թիկունքում միշտ էլ հավատարիմ դաշնակից կլինի»:

Նալբանդյանին, սակայն, բախտ չլիճանում էր ապրել մինչև այդ օրը: Նրա տակավին երիտասարդ կյանքի թելը կտրեց ցարական բռնականների կացինը:

Ն. Դոբրոլյուբովը պատմական սեփ գործիչների ղեկը նմանեցնում էր բարեբար անձրեկին, որը թարմացնում է հողը, բայց ինքը ծագում է նույն հողից բարձրացող գոլորշիացումից: Նալբանդյանը հենց այդ տիպի գործիչ էր, որին անսահմանորեն պարտական է հայ ժողովուրդը, քանզի նա ոչ միայն որպես բարեբար անձրեկ թափացրեց իր ժողովրդին՝ ծառավի կարոտ հողը, այլև սեփական արյունով պարարտացրեց այն, մեծապես նպաստելով այդ հողից բարձրացող առողջ ծրվերի ծաղկմանը:

ИНТЕРНАЦИОНАЛИЗМ МИРОВОЗЗРЕНИЯ МИКАЕЛА НАЛБАНДЯНА

ГАЛУСТ ГАЛОЯН
Член-корр. АН Арм. ССР

Резюме

С присоединением Восточной Армении к России под благотворным влиянием передовой русской культуры интенсивно развивалась также общественно-политическая мысль в Армении. В 50—60-е годы XIX в. шла борьба между буржуазным либерализмом и революционной демократией. Налбандян считал себя последователем Чернышевского, бескомпромиссно стоял на позициях революционной демократии. В основе его мировоззрения лежал интернационализм. Он глубоко понимал, что без разрешения социального вопроса нельзя решить и национальный вопрос, поэтому главным условием победы национально-освобо-

³⁹ Նույն տեղում, հ. III, էջ 24:

длительной борьбы своего народа считал победу крестьянской революции в России.

«Возрождающуюся в России свободу—смело можно назвать свободой человечества»,—писал Налбандян.

Выступая за сближение и расцвет всех наций и народностей, Налбандян не ставил интересы своей нации выше интересов других наций. Защищая чувство национальной гордости, он в то же время резко выступал против национального чванства и национального эгоизма. И просвещение народа он связывал с его социальным освобождением. Глубокие и последовательные идеи революционного демократа, дальновидного вождя народной революции М. Налбандяна стали знаменем грядущих поколений в их борьбе за социальное и национальное освобождение.